

2018-imut nammineerluni nalunaarsuineq

Akilerartarnermut Aqutsisoqarfiup 2018-imut nammineerluni nalunaarsuiffissaq nassiussimalerpa.

Ukiumut aningaasarsiorfimmu 2018-imut nammineerluni nalunaarsuiffissaq marlunnut immikkoortinneqalerpoq. S1 akissarsiortunut S1U-lu namminersorluni inuussutissarsiummik ingerlataqartunut ator neqartussat, taamaattorli quppernerit siulliit pingasut aaqqissorneri allassimanerilu assigiipput.

Nammineerluni nalunaarsuiffissamut ilanngunneqarpoq pigisanit pissarsiat ilaasa akileraaruserneqartarneranut tunngatillugu immersuiffissaq.

Ukiumi 2018-imi isertitaasut ilaanik nammineerlutit nalunaarsuiffissat paasissutissanik naqeriikkanik ima qassaaq.

Kisitsisit naqinneqareersut tassaapput Akilerartarnermut Aqutsisoqarfiup paasissutissaataasa katinneri. Paasissutissat naqinneqareersut eqqortuunersut misissussavatit.

Ukioq aningaasarsiorfik 2017-imiit nunani allani soraarnerussutisiassatigut aaqqissuussinermi akiliutit pisor-taniillu tapiissutisiat aningaasarsiatut A-tut akileraaruserneqassapput. Tamanna pillugu www.aka.gl-mi paasissutissat aannertunerusut takusinnaavatit.

Nammineerluni nalunaarsuiffiup 2018-imut isertitannik akileraaruteqaataasussanik aningaasartuutinnillu ilanngaatigineqarsinnaasunik tamarmiusunik ima qarnissaa akisussaaffigivat. Katissimagussi nalunaarsuiffimmi paasissutissat namminermut tunngasut eqqortuuneri tamassi immikkut akisussaaffigaasi.

Paasissutissat naqinneqareersut eqqortuuppata allamik iliuseqaqqissanngilatit. Kingusinnerusukkut inaarummik naatsorsuummik Akilerartarnermut Aqutsisoqarfimmiit tigusaqarumaarputit.

Paasissutissat naqinneqareersut saniatigut isertitaqarlutilluunniit aningaasartuuteqarsimaguit nammineerluni nalunaarsuiffik immersoriarlugu nassiutissavat.

Pigisanit pissarsiat ilaasa akileraaruserneqartarnerannut tunngasut immikkut

Pigisanit pissarsiat ilaasa akileraaruserneqartarnerat pillugu inatsit Inatsisartut 1. januar 2018-imi atuutilersippaat.

Ukiumi aningaasarsiorfiusumi (qaammatisiutit malillugit ukiumi) aaqqissuussinermi iluanaarutit akileraarutaat 15,3%-iusoq landskarsimut akilernerqassaaq.

Pigisanit pissarsiat nammineerluni nalunaarsuiffimmut ilanngussami allanneqassapput, iluanaarutinnillu akileraarutaagallartumik akiliineq kingusinnerpaamik pissalluni nammineerluni nalunaarsuiffiup nassiunneqarnerata ilutigisaanik.

Pigisanit pissarsiat akileraarutaat www.aka.gl -imi annertunerusumik paasisaqarfigisinnaavat.

Nalinginnaasumik

Paasissutissani naqinneqareersuni eqqunngitsoqarpat imaluunniit paasissutissat amigaateqarpata aamma nammineerlutit nalunaarsuiffiit paasissutissanik eqqortunik ilalerlugu Akilerartarnermut Aqutsisoqarfimmut nassiutissavat.

Nammineerluni nalunaarsuiffimmut allannguutit nammineerlunilu nalunaarsuiffimmut paasissutissat nutaat Akilerartarnermut Aqutsisoqarfimmi nammineq-toortaalluni-periarfissaq www.aka.gl-imiittoq imaluunniit NemID-qaruit www.sullissivik.gl -imi imminut sullinneq aqutigalugit nalunaarutigineqarsinnaapput, taamatullu aamma taakku arlaat aqutigalugit nammineerluni nalunaarsuiffik nassiunneqarsimasoq akuerisinnaallugu.

Nammineq-toortaalluni-periarfissaq atorniarukku inuttut normut aammalu nammineq-toortaalluni-isissutissaq nammineerluni nalunaarsuiffiup saqqaani allassimasoq ator neqassapput. Taamatuttaaq Nammineq-toortaal-

luni-periarfissami kisitsisit katinneri ataasiakkaat, assersuutigalugu aningaasarsiat A-t katinneri, qanoq katitigaanersut takuneqarsinnaapput.

Namminersorlutit suliffeqarfimmik ingerlatsisuuguit nammineerluni nalunaarsuiffimmik Akileraartarnermut Aqutsisoqarfimmu tamatigut tunniussisussaavutit, tassungalu ilanngutissavatit/upload-issavatit naatsorsuu-tit.

Naatsorsuutit saniatigut www.aka.gl-imi imaluunniit www.sullissivik.gl-imi imminut sullinnermut periarfissat aqutigalugit paasissutissanik allanik, assersuutigalugu nalikilliliinermi immersukkannik, ernianut uppernarsaatnik, pilersuisussaataanermi akilersuutigisannut uppernarsaatnik il.il. Akileraartarnermut Aqutsisoqarfiup akileraaruserinermi qarasaasiaqarfianut upload-erisinnaavutit.

Nassiussaqarnissamut killissaritit:

Nammineerluni nalunaarsuiffimmik **iluarsisamik** nassiussisaguit nammineerluni nalunaarsuiffik akuerineqassaaq imaluunniit Akileraartarnermut Aqutsisoqarfimmu nassiunneqassaaq kingusinnerpaamik **1. maj 2019-imi**.

Namminersorlutit inuussutissarsiummik ingerlataqaruit, nammineerlunilu nalunaarsuiffimmik naatsorsuutinillu internettikkut, nammineq-toortaalluni-periarfissaq www.aka.gl-imiittoq imaluunniit NemID-qaruit www.sullissivik.gl-imi imminut sullinneq aqutigalugit nassiussaqarniaruit, tamanna **kingusinnerpaamik** pissaaq **15. maj 2019-imi**.

Namminersorlutit inuussutissarsiummik ingerlataqaruit, ukiumullu aningaasarsiorfiusumut 2017-imut aningaasarsiatit akileraaruteqaataasussat missingersuinikkut angissusiliiffigineqarsimallutik, taava tunniussaqarnissat/nassiussaqarnissat pissaaq kingusinnerpaamik **1. maj 2019-imi**.

Aningaaserivimmi kontonormu:

Akileraarutinit utertoortisiassarinnasatit taamaallaat aningaaserivimmi kontunnut ikineqarsinnaapput. Taamaattumik pingaaruteqarpoq aningaaserivimmi kontonormut nammineerluni nalunaarsuiffiup quppernerisa 1-ni allannissaa imaluunniit www.sullissivik.gl-imi iserluni imaluunniit namminerluni nalunaarsuut nalunaarsornerani/akuerinerani.

www.aka.gl-imi sukumiinerusumik paasisaqarsinnaavutit soorlu nammineerluni nalunaarsuiffissap immersornissaanut ilitsersuutit S2 aamma S2a takusinnaavutit.

Nammineerluni nalunaarsuiffissap immersornissaanut nalornissuteqaruit Akileraartarnermut Aqutsisoqarfiup Innuttaasunut Sullissivia attaveqarfigisinnaavat. Innuttaasunut Sullissivimmu paasissutissat nammineerluni nalunaarsuiffiup saqqaani takuneqarsinnaapput.

Akileraartarnermut Aqutsisoqarfik
Innuttaasunut Sullissivik
Postboks 1605
3900 Nuuk
Oqarasuaat 34 65 10
Fax 32 20 42
E-mail: tax@nanog.gl

Akileraartarnermut Aqutsisoqarfik
Innuttaasunut Sullissivik
Postboks 521
3920 Qaqortoq
Oqarasuaat 34 65 10
Fax 32 20 42
E-mail: tax@nanog.gl

Akileraartarnermut Aqutsisoqarfik
Innuttaasunut Sullissivik
Postboks 1022
3952 Ilulissat
Oqarasuaat 34 65 10
Fax 32 20 42
E-mail: tax@nanog.gl

Akileraartarnermut Aqutsisoqarfik
Innuttaasunut Sullissivik
Postboks 3560
3911 Sisimiut
Oqarasuaat 34 65 10
Fax 32 20 42
E-mail: tax@nanog.gl

Innuttaasunut Sullissivimmu saaffiginninnissannu tamatigut tikilluaqqusaavutit – illit pillutit sulivugut.